




Dep.	DPKI	Nr. Prot.	06-3046/19
Di.		Br. Prot.	
Dep.		Prot. No.	
Nr. Ifaq.		Date	20.11.2019
Broj stranica	02	Datum	
Nr. pages		Date	
PRISHTINE			



Republika e Kosovës
Republika Kosova-Republic of Kosovo

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI-CORRUPTION AGENCY

Në mbështetje të nenit 5 paragrafi 1, nëparag. 1.5, nenit 11 paragrafi 1, nëparag. 1.1, nenit 18 paragrafi 10 dhe 11 të Ligjit nr. 03/L-159 për Agjencinë kundër Korruptionit, si dhe nenit 7 paragrafi 4 të Rregullores nr. 01/2018, për Ndryshimin dhe Plotësimin e Rregullores Nr. 01/2014 dhe Rregullores Nr. 01/2017 të Punës së Agjencisë Kundër Korruptionit, Drejtori i Agjencisë kundër Korruptionit, me datë 14.11.2019, mori:

V E N D I M

- I. Mbyllt rasti me nr. *AKK-DPKI-01/19/011*, për zyrtarin e lartë publik z. Driton Hasolli, Këshilltar i Asamblesë Komunale në komunën e Fushë Kosovës, për shkak se ështëshmangur gjendja e konfliktit të interesit në ushtrim të funksionit publik.
- II. Rasti mund të rihaqet në çdo kohë kur mund të paraqiten rrethana të reja.

A r s y e t i m

I. Rasti i hapur nën dyshimin për konflikt interesit në ushtrimin e funksionit publik për zyrtarin e lartë publik z. Driton Hasolli, Këshilltar i Asamblesë Komunale në komunën e Fushë Kosovës, është trajtuar sipas procedurës së paraparë me Ligjin nr. 06/L-011, për Parandalimin e konfliktit të interesit në ushtrimin e funksionit publik.

Ky rast ka filluar të trajtohet pasi që është identifikuar se zyrtari i lartë publik z. Driton Hasolli, Këshilltar i Asamblesë Komunale në komunën e Fushë Kosovës, njëkohësisht është edhe person i autorizuar në biznesin privat "Driton Hasolli" B.I. (N.S.H.T. "DA -PHARM"). Agjencia kundër Korruptionit (në vijim: Agjencia), me qëllim të verifikimit të gjendjes së konfliktit të interesit ka kërkuar nga Agjencia e Regjistrimit të Bizneseve në Kosovë (ARBK), sigurimin e informatave për biznesin në fjalë (shkresa zyrtare DPKI-06-01/2337/19). Nga informatat për biznesin të pranuara nga ARBK (DPKI-06-2337-1/19), konstatohet se zyrtari i lartë z. Driton Hasolli, është person i autorizuar në biznesin e sipërshënuar.



Agjencia, me shkresën zyrtare DPKI-06-2529/19 të datës 17.10.2019, e ka njoftuar zyrtarin e lartë lidhur me fillimin e procedurës për shqyrtimin e gjendjes së konfliktit të interesit. Pas kësaj, është organizuar një takim me zyrtarin e lartë në zyrat e Agjencisë.

Gjatë këtij takimi z. Driton Hasolli është njoftuar me faktet që posedon Agjencia. Zyrtari i lartë gjatë ushtrimit të funksionit publik nuk mund të jet person i autorizuar në biznes privat, përfaktin se një situatë e tillë paraqet gjendje të konfliktit të interesit, përkatesisht papajtueshmëri me ushtrimin e funksionit publik. Kjo ndalohet me dispozitën e nenit 13, paragrafi 1 të Ligjit për parandalimin e konfliktit të interesit në ushtrimin e funksionit publik, ku përcaktohet se:

"Zyrtari i lartë nuk mund të jetë menaxher, përfaqësues i autorizuar ose anëtar i ndonjë organi menaxhues apo mbikëqyrës i personave juridikë private, fitimprurës sipas ligjit përkates për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të këtij ligji, subjektet politike si dhe rastet kur një funksion i tillë i dedikohet me ligj për shkak të funksioni".

Zyrtari i lartë z. Driton Hasolli, është pajtuar me konstatimet e Agjencisë, gjegjësisht ka pranuar se është duke ushtruar funksionin Këshilltar i Asamblesë Komunale në komunën e Fushë Kosovës dhe njëkohësisht është person i autorizuar në biznes privat. Por, ka deklaruar se nuk e ka ditur që kjo është në kundershtim me ligjin, sepse menjëherë do të vepronë për ta shmangur këtë situatë dhe ka premtuar se do të ndërmarrë veprime në mënyrë që ta shmangë gjendjen e konfliktit të interesit.

Ndërkoçi, më datë 08.11.2019, Agjencia ka pranuar shkresën (DPKI-06-2939/19) me të cilën dëshmohet se zyrtari i lartë ka bërë ndryshimet në biznes. Pas analizimit të informatës mbi biznesin, Agjencia konstatoi se zyrtari i lartë z. Driton Hasolli, ka transferuar të drejtat e drejtimit të biznesit privat tek personi i besuar sikurse parashihet me nenin 15 të Ligjit për parandalimin e konfliktit të interesit në ushtrimin e funksionit publik.

Nga sa u tha më lartë, me veprimet që i ka ndërmarrë zyrtari i lartë, është shmangur gjendja e konfliktit të interesit në ushtrimin e funksionit publik. Andaj u vendos si në pikën I. të dispozitivit të këtij vendimi.

II. Në mbështetje të nenit 18 paragrafi 11, të Ligjit nr. 03/L-159 për Agjencinë kundër Korruptionit, Agjencia mund të rihapë rastin në çdo kohë nëse paraqiten rrethana të reja.

Vendimi iu dërgohet:

Shaip Havollli
Drejtor i Agjencisë kundër Korruptionit

- Zyrtarit të lartë publik
- Drejtorit të DPKI- së
- Z./zpj. (zyrtari përgjegjës)

